

Surat khabar: Berita Harian (Kembara Siswa Varsiti)

Hari/Tarikh: 5/12/2013

Muka surat: V9

Tajuk : UNIMAS Dekati Komuniti Kemboja.

UNIMAS dekati komuniti Kemboja

Kota Samarahan: Bermatlamat menggerakkan hubungan warga kampus dan komuniti global, Universiti Malaysia Sarawak (UNIMAS) menerusi Pusat Pemanjangan Pelajar (PPP) dan Majlis Perwakilan Pelajar (MPP) bekerjasama dengan Kelab Dewan (DAMAI) menganjurkan Program UNIMASku Sayang: Kembara Kemboja, baru-baru ini.

Program memabatkan pengisian aktiviti ibadah korban, penyampaian

derma dan dana amal jariah serta perbincangan berkaitan pendidikan.

Rombongan UNIMAS diketuai Dekan PPP, Prof Madya Dr Rusli Ahmad menyifatkan penganjuran program itu bertepatan dengan konsep University

Community Engagement yang menggalakkan aktiviti pelajar di luar negara dengan pengisian berkonsepkan khidmat masyarakat.

Memperluas aktiviti

Katanya, jika sebelum ini aktiviti UNIMAS bersifat setempat, sudah tiba masanya aktiviti pelajar berkonsepkan komuniti ini diperluas ke luar negara.

“Selain memperkenalkan UNIMAS kepada masyarakat luar, kita

juga dapat menyalurkan bantuan dan berkongsi kepakaran dengan masyarakat yang memerlukan. Tahun ini, Kemboja dipilih dan insya-Allah tahun depan, Bangladesh antara negara pilihan yang akan dikunjungi,” katanya.

Beliau berkata, penyertaan pelajar dalam program itu juga berupaya mengembangkan potensi pelajar ke tahap yang menyeluruh termasuk mempunyai jati diri mantap dan sentiasa berfikiran positif.

Kerjasama pendidikan

Sepanjang program berlangsung, peserta turut melawat tiga sekolah agama dan madrasah yang berada di bawah kendalian Pusat Islam Kemboja bagi menyerahkan sumbangan derma dan dana amal jariah.

Turut diadakan, sesi ceramah motivasi dan perbincangan peluang kerjasama aktiviti pembangunan pelajar serta pendidikan dengan kedua-dua buah sekolah berkenaan.

Aktiviti ibadah korban memabatkan enam ekor lembu pula dilaksanakan di Masjid Al Rahmani, Phnom Penh, Pusat Islam Kemboja dan Masjid Al Rafee'ah di Tonle Sap, Siem Riep.



Rusli (empat dari kanan) menyerahkan sumbangan derma kepada pihak komuniti Islam di Kemboja.